

護命放生軌儀法

唐三藏法師義淨譏

夫以懷生者皆愛其生上通賢智有死者咸畏其死下泊蠶蟲由是善逝隨事而修慈不損舍識量肉身而准物刀杖不加唯以大悲

俊九

宣揚法化於護生處極致慇懃是佛弟子理應隨作觀蟲濾水是出家之要儀見危存護乃悲中之拯急既知有蟲律文令作放生器者但爲西國久行人皆共解東夏先來未識故亦須委其儀若不具陳無由曉悟其器任

用銅鐵瓦木瓦即安鼻鐵木准成若擬隨身將去可用銅作唯受二升三升即是舊來小銅罐子還施銅系令穿手得過底傍一邊須安銅鈕可受小拇指頭若乞食去時穿在左臂以衣掩蓋右手携鉢乞食得已隨至一家

安置飯鉢自將浮繩一條如龜筋許隨井深淺繫罐取水瀘以小羅斟酌得足即以繩一頭穿鈕急繫檣系等繫小鐵鉤鉤系起時務令平穩此並預先作了不得臨時求覓即以小羅覆蟲罐內徐徐放下至水縱鉤拔繩令覆再三下罐方牽出井此是乞食之儀也或用銅椀漆椀穿孔著系權用亦得若在寺者即以常用鐵罐覆之如前安置少有別處底傍著鐵錄可容三指以罐鉤內中擡起系等同前著鉤覆蟲在中放使至水假今深井亦得爲之若別畜繩恐成勞擾若井深處或可別爲盆貯或可送往河池寫水竟時還須涤器斯其法也濾羅樣式如別處言之豈容井口之上翻羅元無放生之器欲似護戒寧顧蟲亡但以如來聖教慈悲爲本所制戒律畢

有性遮遮則准事合輕性乃理應從重性罪
之內殺生最初是故智人特宜存護若將此
爲輕者更復何有重哉若能依教作者現在
得長命果報來世當生淨土且神州之地四
百餘城出家之人動有萬計於濾水事存心

俊九

者寡習俗生常見輕佛教不可一一聞到口

傳冀諸行人遞相敎習設使學通三藏坐證

四禪鎮想無生澄心空理若不護命依教奉
持終亦不免佛所訶責十惡初罪誰代受之
且如見有屠兒牽羊入寺不過數口放作長

生衆共聚看彈指稱善寧知房內用水日殺

千生萬生既知理教不輕宜應細羅細察自

利利物善護善思復有令人耕田種植規求

小利不見大尤水陸俱傷殺生無數斯之罪

咎欲如之何直如東手泉門任他處分故經

云殺生之人當墮地獄餓鬼畜生設得爲人
短命多病嗚呼此苦誰當受之脫有能爲善
哉甚善可謂釋迦末法共結慈念之因彌勒
初成俱證無生之果廣如別傳此不煩云

護命放生軌儀法

三法同卷

音釋

釋名

十一

齧五結切咬也
聲小曰齧
大曰歛咬也
聲也
漱蔡妻切齧
聲也
嚙蓋告定切齧
蓋切聲
欬告苦氣
告苦氣
褒博毛切搏也
云方便與於
到搏也
蹲祖尊切蹲也
云方便與於
到蹲也
奧奧篤切篤也
此語
篤奧篤切篤也
此語
屣屣床士切床也
軍府移切
到床也
甚甚酌切酌也
良倨切
切良倨也
鑄楚庚切鑄也
耳足金也
其鑄也
醫醫吉切吉也
其醫也